

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-25-000529-5
Bihać, 04.08.2025. godine

Na osnovu člana 70. stav (1) i člana 89. Zakona o javnim nabavkama ("Sl. glasnik BiH", broj: 39/14 i 59/22), na preporuku Komisije za javnu nabavku iz Zapisnika o pregledu i ocjeni ponuda broj: 001-0-Su-25-000529-4 od 23.07.2025. godine, u postupku javne nabavke kancelarijskog materijala po obavještenju sa portala javnih nabavki broj 8581-7-1-65-3-16/25, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli ugovora

I

Prihvata se preporuka Komisije za javnu nabavku o izboru najpovoljnijeg ponuđača za nabavku kancelarijskog materijala, za potrebe Kantonalnog suda u Bihaću i ugovor se dodjeljuje ponuđaču „Defter“ d.o.o. Sarajevo, za ponuđenu cijenu nakon provedene e-aukcije u ukupnoj vrijednosti od 7.880,00 KM bez obračunatog PDV-a, odnosno 9.219,60 KM sa obračunatim PDV-om, kao najpovoljnijem ponuđaču.

II

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1. Tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 71. stav (2) Zakona o javnim nabavkama i objavit će se na web stranici Kantonalnog suda u Bihaću.

O b r a z l o ž e n j e

Postupak javne nabavke kancelarijskog materijala, pokrenut je Odlukom o pokretanju postupka javne nabavke broj: 001-0-Su-25-000529 od 10.07.2025. godine. Javna nabavka provedena je konkurentskim zahtjevom za dostavu ponuda, sa provođenjem e-aukcije u sistemu e-Nabavke. Procijenjena vrijednost nabavke bez PDV-a je 11.000,00 KM. Obavještenje o nabavci broj: 8581-7-1-65-3-16/25 objavljeno je na Portalu javnih nabavki dana 10.07.2025.godine i u Službenom glasniku BiH, broj: 40/25.

Komisija za provođenje postupka nabavke, imenovana rješenjem broj: 001-0-Su-25-000529-1 od 10.07.2025. godine (u daljem tekstu: Komisija) je dana 23.07.2025. godine izvršila javno otvaranje ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude.

Nakon otvaranja ponuda, Komisija je izvršila pregled i ocjenu prispjelih ponuda te sačinila Zapisnik o pregledu i ocjeni ponuda broj: 01-0-Su-25-000529-4 od 23.07.2025. godine u kome je konstatovala sljedeće:

- da su blagovremeno zaprimljene 4 ponude i to:

1. „Defter“ d.o.o. Sarajevo, sa ukupno ponuđenom cijenom od 10.738,79 KM, bez obračunastog PDV-a
2. „Primaprom“ d.o.o. Banja Luka, sa ukupno ponuđenom cijenom od 10.483,65 KM, bez obračunastog PDV-a,
3. „Aero Exclusive“ d.o.o. Sarajevo sa ukupno ponuđenom cijenom od 10.978,63 KM, bez obračunastog PDV-a,
4. „KMC“, d.o.o. Banja Luka, sa ukupno ponuđenom cijenom od 10.883,97 KM, bez obračunastog PDV-a,

- da nije bilo neblagovremeno zaprimljenih ponuda;

- da su sve ponude prihvatljive prema obliku, sadržaju, potpunosti, profesionalnoj i tehničkoj sposobnosti.

E-aukcija je zakazana i održana dana 30. 07.2025. godine u 11:00 sati i trajala je do 11:28 sati, te je pomoću automatskih metoda ocjenjivanja u informacionom sistemu E-Nabavke, izvršeno rangiranje ponuđača, shodno utvrđenom kriteriju „najniža cijena“, na osnovu kojeg je utvrđena sljedeća konačna rang lista ponuđača koji su učestvovali u E-aukciji:

r/b	Naziv ponuđača	Konačna cijena bez PDV-a	Umanjenje cijene	Rang
1.	Defter d.o.o.Sarajevo	7.880,00 KM	26,62%	1
2.	Primaprom d.o.o. Banja Luka	7.900,00 KM	24,64%	2
3.	Aero Exclusive d.o.o. Sarajevo	9.900,00 KM	9,82%	3
4.	KMC d.o.o. Banja Luka	10.230,00 KM	6,01%	4

Nakon završne E-aukcije, Komisija je sačinila zapisnik broj: broj:01-0-Su-24-000562-4 i dala preporuku da se ugovor zaključi sa ponuđačem Defter d.o.o. Sarajevo, obzirom da ispunjava sve uslove tražene tenderskom dokumentacijom, te je njegova ponuda od 7.880,00 KM postignuta na e-aukciji, ocijenjena kao najpovoljnija primjenom kriterija najniže cijene.

Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispjelih ponuda, za potpisivanje ugovora prihvaćena je ponuda ponuđača Defter d.o.o. Sarajevo, sa konačnom cijenom 7.880,00 KM bez obračunatog PDV-a.

Obzirom na naprijed navedeno, u skladu sa članom 64. stav (1) tačka b) i člana 89. stav (1) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. Defter d.o.o. Sarajevo,
2. Primaprom d.o.o. Banja Luka,
3. Aero Exclusive d.o.o. Sarajevo,
4. KMC d.o.o. Banja Luka, 5. spis

Predsjednica suda
Fata Nadarević

